

- usa mosir un utar ukoytak pa kuni a=kar itak "Esuperanto" makanak an ya ka, eci=nure p ne ruwe ne. -

**oripak turano ne yakka ci=ye ruwe ne.**

**c=utari anakne, Esuperanto ye utar naa poronno an kuni, usa mosir ta usa okay pe ci=ki oasi hawe tapan na. te ta ci=ye hi usa mosir un seiĥu or un utar neya kokusaisosiki un utar neya op itta pirkano ci=nure ka ki, te ta ci=ye hi nen poka an ayne an kuni c=arikiki ka ki kusu ne. rapok ta, usa oka utar c=utari turano arikiki wa un=kore kuni ci=nisuk kusu ne.**

Esuperanto anakne, 1887 pa ta a=kar itak ("a=numke easkay kuni itak") ne wa, newaanpe ani usa mosir un utar ukoytak easkay kuni a=ramu itak ne ruwe ne. okake ta, Esuperanto itak ipehe naa poronno p irkano oka wa, tane I seiĥi akkari utur ta, usa oka itak ye utar ka usa oka puri kor utar ka, ani etoko tuypa ka somo ki no ukoytak a ruwe ne. Esuperanto ye utar neno irawe hi anakne, tane ne yakka une no an kuni ci=ramu. nen ne yakka oya itak ani wente ka somo ki no, pirkano ukoytak easkay kunine, sine itak or ta ci=ki rusuy hi ene oka hi; (newaanpe anakne, inan mosir un itak ne yakka wen kuni ci=ramu. te wano neun tusingizyutu pirkano an yakka, neun itak epakasnu yakka wen nankor.)

## 1. a=utari opitta uneno a=ye easkay kuni p

sine mosir un itak ye kur epirka rapok ta, oya mosir un itak ye kur anak ne itak ponno ka erampewtek hi kusu esirkirap yak wen. pirka itak anakne, a=utari opitta uneno a=ye easkay kuni p ne ruwe ne.

**Esuperanto nep ka wen hi isam sekora anak somo ci=ye korka, newaanpe or ta iyotta pirka itak ne sekora yaynu=as.**

## 2. a=utari opitta uneno a=eraman easkay kuni p

sine mosir un itak eraman rusuy pe anakne, ne mosir oruspe ka puri ka poronno eraman yak easir pirka. eigo eraman rusuy kur ne yakun, Amerika oruspe neya Igrisu oruspe neya pirkano eraman kuni p ne. rapok ta, Esuperanto sine mosir un itak ka somo ne kusu, neno an oruspe isam.

**a=utari opitta uneno a=eraman easkay kuni p ne, sekora yaynu=as.**

## 3. isaykano a=eraman easkay kuni p

oya mosir un itak hokampa p ne ruwe ne. neun a=epakasnu yakka erampewtek utar poronno oka nankor. rapok ta, Esuperanto isayka itak ne kusu, yaykata pirkano a=eraman easkay pe ne. oya mosir un itak a=epakasnu hi etoko ta, Esuperanto eraman yak pirka sekora ye utar ka oka.

**Esuperanto isaykano a=eraman easkay kuni p ne, sekora yaynu=as.**

## 4. yay-itak tup akkari a=eraman hi

Esuperanto ye utar opitta, neun poka yay-itak tup akkari eraman pe ne ruwe ne. utari ukoytak easkay kuni pakno oya itak eraman pe ne. iki ayne, ne kur pawetok kur ne wa, uwosuwos usa okay pe eraman nankor.

**yay-itak tup akkari a=eraman yak pirka p ne. ne hi oro ta Esuperanto anakne iyotta pirka itak ne, sekora yaynu=as.**

## 5. inan itak ne yakka a=eyam hi

usa oka mosir un utar anakne, kor itak sinna hi kusu a=okpare yak wen. Esuperanto ye utar or ta, inan itak ne yakka, hempak utar kor itak ne yakka, ney ta ye itak ne yakka, opitta a=eyam kuni p ne ruwe ne. ene yaynu=an yakne, kor itak sinna kusu a=i=okpare ka somo ki.

**usa oka kampi ka ta "inan itak ka a=eyam pe ne" sekora a=nuye wa an korka, anpe anakne inne utar kor itak ye kur patek epirka wa an ruwe ne. Esuperanto an yak usa oka itak naa a=eyam, sekora yaynu=as.**

## 6. utar kor itak poronno an hi

usa oka mosir un seiĥu anakne, utar kor itak poronno an yak ukoysoytak=an niwkes kusu wen sekora yaynu nankor. korka, Esuperanto ye utar or ta, kor itak poronno an hi sino pirka ruwe ne. usa oka itak anakne sinep piskamuy koraci an pe ne wa, opitta a=eyam kuni p ne.

**isaykano ukoysoytak=an easkay sekora a=ye kor, poronno an itak utar somo a=eyam kuni seisaku sanke yakun, itak poroser isam nankor. inne itak turano oka=as kuni Esuperanto un=kasuy wa un=kore, sekora yaynu=as.**

## 7. nen ne yakka somo esirkirap no ye easkay hi

inan itak ne yakka, eraman utar anak ukoysoytak easkay korka, erampewtek utar anak eaykap. newaanpe ewen utar ka poronno an. Esuperanto anakne, inan mosir ta ne yakka a=ye easkay kuni a=kar pe ne wa, nen ne yakka kor itak ka kor puri ka somo osurpa no ukoysoytak easkay ruwe ne. tapne kane, a=utari anakne "zinrui uwekarpa" or un iyorot=an easkay ruwe ne.

**ne uwekarpa or ta, sine mosir or ta a=ye itak tup ka rep ka ani patek ukoysoytak=an yak wen. Esuperanto ani, nen ne yakka somo esirkirap no ukoysoytak easkay, sekora yaynu=as.**

## HOKKAJDA ESPERANTO-LIGO

Sapporo-Eru-puraza-2kai Simin-Katudô-sapôto-Sentâ  
Nisi3tyôme, Kita8zyô, Kita-ku, Sapporo-si  
Hokkaidô 060-0808  
tel./fax +81-(0)144-58-2174

E-letero <hokkaido\_esp\_ligo@yahoo.co.jp>  
Retejo <http://www.hokkajda-esp-ligo.jp/index.htm>

